

Boihseiz Gaujsi

Lingz hwnjdangz yiengj lo, lauxsae umj dab sigienj he haeuj gyausz daeuj. Ndaw gyausz bonjlaiz cauzhuhu haenx sawqmwh dingh roengzdaeuj. Miz mbangj doengzhag loengh gonjbit swheij, miz mbangj doengzhag dinghdingh naengh youq, daihgya cungj mbouj gangj vah lo.

Ndaw sim gou lumj miz duzdouq he yat hwnj yat roengz, sim gig mbouj onj, lau gaujsi daiq naek lai. Sigienj fat roengzdaeuj lo, gyoengq doengzhag hainduj biengj yawj sigienj. Gou yawj baihnaj geij daez, mbouj nanz geijlai, couh hainduj dap daez.

Ndaw gyausz caemrwdrd, cij dingqnyi sing bit raiz “caca”. Lauxsae naengh youq gwnz gyangjdaiz, cimyawj gyoengq doengzhag. Gou gig vaiq couh guh sat daezdienzhoengq, hainduj guh daezsenjcwz. Baihnaj sam daez gig yungzheih. Daez daihseiq—— nanzdoh couh lumj naengh hojcen nei, fwt mbin hwnj gwnzmbwn bae. Mwhde, lauxsae bae bangunhsiz lo, ndaw ban hainduj gangjavah sebseb, sing gangj yied daeuj yied hung. Ndaw gyausz, geij aen feihgihceij mbin bae mbin dauq. Lij miz vnz aeu ceij gienj hwnjdaeuj, youq ndaw ceijgienj cuengq aen giuzceij iq he, yungh rengz boq. Giuzceij couh lumj yienzbaudq nei

mbin okbae.

Ndaw gyausz cauzhuhu, gou hix mbouj miz sim caiq dap daez lo, hixnaengz naengh youq yawj gyoengq doengzhag guh’angq. Couh youq seizde, rog cueng mbin haeuj song duz rwi. Miz mbangj vnz ndoj bae ndoj dauq, lij miz mbangj vnz gyajcang bae gaeb, hoeng duzrwi mbin gyawj couh deuz lo.

Lauxsae dauqma lo, ndaw ban youh dinghyubyub, cijmiz song duz rwi gongz “ww”. Mbouj rox dwg feihgihceij boux lawz mbin dwk, cingq ngamj deng lauxsae yawjraen. Cij raen feihgihceij mbouj gaenj mbouj menh mbin ok rog cueng, doek roengzdaeuj lo. Gingvay saemjcam, lauxsae hozndat gaeb ok song boux “vunzfamh”, gaeu faensoq song de bae.

Gou ngaem gyaeuj laebdaeb dap daez. Sawqmwh, gou youh bungzdaengz diuz daez nanz dap he. Gou yawj seiqhenz, miz geij boux doengzhag hix dingz bit roengzdaeuj, cijmiz boux hagsib ak nyinhcaen dap daez. Miz mbangj doengzhag gaenq hainduj luenh dap lo. Miz mbangj yungh fuengfap gipgaeu dap daez—— mbaw ceij he dwg “A”, mbaw he dwg “B”, mbaw he dwg “C”, mbaw he dwg “D”, gip daengz mbaw lawz couh dien



mbaw de. Gou hix ciuq yienghde guh.

Gou gip daengz “A”! Ai, deng mbouj deng cijndeij dingq mbwn youz mingh lo, caen maqmuengh baihlaeng caiq mbouj miz gij daez yienghneix lo, gvaig couh gvaig swheij bingzseiz mbouj roengzrengz hagsib. Mwh gou yaek raiz sat sigienj, gou da liuq doengz daiz gou mbat he, de cij ngamq guh sat yieb daihsam. Sawqmwh, nyeuq ceij he mbin daengz gwnz daiz gou, gou hai daeuj yawj, dwg bouxwnq raiz “daez doeklaeng baenzlawz guh?” Gou cij mbouj bang mwngz ne, neix dwg guhgyaj bw! Gou sik mbaw ceij de bae, yawjyawj diuzdaez doeklaeng, saedcaih dwg miz di nanz. Gou siengj ok song aen dapanq, hoeng dapanq

deng cij miz aen ndeu. Sikhaek couh yaek roengzdangz lo, gou simgip raixcaix. Mbouj ndaej ngaiznyed lo, gou dienz aen dapanq gou nyinhnaeuz deng haenx hwnjbae, gipgip muengzmuengz gyau gienj lo.

Ma daengz ranz, gou nyapsaeb-saeb. Daxmeh nai gou: “Saekseiz gauj mbouj ndei mbouj youqgaen, caen-cingq youqgaen haenx dwg gauj mbouj ndei le lij mbouj rox baenzlawz gauj mbouj ndei.” Gou gyaengj mbat he, sikhaek dawz gobwnj caeuq bitgeiq gaxgonq geiq haenx okdaeuj. Gou dauqdaej rox lo. Gou lij yaek youq bingzseiz gyaboix roengzrengz doegsaw. Mwh yaek gaujsi cij yawj saw, dwg gauj mbouj ndei bw.

(seiq nienzgaep Vangz Cujhanz)



Mok Youq Gizlawz

Gaxgonq miz benq mok he, de dwg boux lwgnyez cabheiq ndeu, hix dwg boux canghfapswd iq he.

Miz ngoenz ndeu, mok mbin daengz ndaw gunghyenz, “Gou yaek yo gunghyenz bae!” Yienghneix, de aeu gunghyenz yo bae lo. Mboujlwnh dwg vunzlai, vacwx roxnaeuz dwg gwnzmbwn oatat, cungj yawj mbouj raen lo.

“Seizneix gou yaek yo hagdangz bae!” Sawqmwh, cij dingqnyi seiqhenz singriu angqyangz, lumj dwg lauxsae caeuq

gyoengq doengzhag youq doxcaez bengcag, baihgvyaz hemq gyayouz, baihsuix hemq gyayouz, hoeng gijmaz cungj yawj mbouj raen lo.

Mok youh daeujdaengz doenghnaz, de naeuz: “Seizneix gou yaek yo doenghnaz bae.” Mok caen yo doenghnaz bae lo—— mboujlwnh dwg haeuxyangz henjrwg, roxnaeuz dwg megmax ndingyan, cungj deng mok suet hwnjdaeuj lo, gijmaz cungj yawj mbouj yienh lo. De daekeiq ndoj youq gwnzmbwn doenghnaz, gag gangj gag naeuz: “Seizneix, gou wnggai yo byawz bae ne? Yawjdaeuj, mbouj miz maz yo lo.”

“Gou yaek yo gou bae ba!” Mok yo swheij hwnjdaeuj lo.

Mbouj geijlai nanz, mok sanq bae lo, gunghyenz caeuq vunzlai vacwx. Hagdangz caeuq lauxsae doengzhag, doenghnaz caeuq haeuxyangz megmax, cungj loh okdaeuj lo. Vunz gwnz loh byaij de, duzmeuz caeuq duzma hix okdaeuj lo, duzmeuz bi diuzrieng ndaemndat de, duzma bi diuzrieng henjgeq de, gyoengqde doxcaez cwxcaih byaijyedyed.

Mok ne? Siu bae caez lo, mbouj rox ndoj haeuj gizlawz bae lo.

(ngeih nienzgaep Vangz Lingzsenh)



Duz Byagim Ndaw Gojlgwgyez

“Boh ha, mwngz haxbaenh gangj duz byagim ndaw 《Gojgaeq Bouxdkbya Caeuq Byagim》de, duz de youq ndaw haij, dwg lwi?”

“Dwg go!”

“Boh ha, mwngz mbouj dwg naeuz ga dah dinbya de lae bae daengz ndaw haij ha?”

“Dwg go!”

“Boh ha, mwngz naeuz duz byagim de rox daj ndaw haij youz daeuj daengz ga dah dinbya de guhcaemz lwi?”

“Mwngz naemj gaeb duz byagim de, cam de aeu doxgaiq ha?”

“Mbouj go! Boh ha, mwngz guhlawz guhneix naemj ne? Gou mbouj ngah hag yahgeq de go. Gou mbouj dam’ aeu go, majhung le, bienq geq le, lwg goj mbouj dam’ aeu go.”

“Langhnaeuz duz byagim de youz daeuj daengz ga dah dinbya guhcaemz ne?”

“Lwg yaek camcam de, de vihmaz ak baenzneix bae. Langhnaeuz gou goj ak lumj duz byagim de, lwg cix hawj lailai vnz miz ranz moq ranz ndei youq lo.”

(Daj《Bonjsei Sim Lwgnyez》(Veiz Gizlinz raiz) senj okdaeuj, Lwgfwnzgmeh/卢奋长 hoiz)

